

韓

門

綴

學

韓門綴學卷第四

渾天蓋天

天如雞子。地如雞中黃。渾天之說。素問岐伯曰。地爲人之下。太虛之中也。大氣舉之。是古有此說矣。漢張衡制渾象。吳陸績亦造渾象。以彈丸爲卵。爲喻。史官候臺所用銅儀。乃其法也。梁武帝排渾天之論。以爲同於周髀。其排非也。其以爲同。則是晉書天文志引黃帝書曰。天在地外。水在天外。水浮天而載地。而以易需卦乾下坎上。爲天入水中之象。又云。天爲金。金水相生之物也。天出入水中。宋何承天云。天形正圓。水居其半。中高外卑。水周其下。梁祖暉云。渾天之形。內圓如彈丸。其半出地上。半隱地下。唐盧肇作海潮賦。則曰。地浮於水。天在水外。諸家能言天形。而未知日之激水而成潮也。此其言水在天外。天在水外。雖有不同。要其不知水附於地者。則一耳。漢郅萌謂天了無質。仰而瞻之。高遠無極。眼眇精絕。故蒼蒼然也。譬如旁望遠道。

之黃山而皆青。俯察千仞之深谷而黝黑。天青非真色。而黑非有體也。按此卽今濛氣之說。宣夜之學也。吳姚信造昕天論。謂人爲靈蟲。形最似天。今人頤前多臨胸。而項不能覆背。近取諸身。故知天之體南低入地。北則偏高。按此乃軒天之說。因於蓋天。周髀之術也。而唐楊炯作渾天賦。謂言宣夜者。星辰不可以開狹有常。言蓋天者。漏刻不可以春秋各半。考梁書儒林傳。崔靈恩論天。以渾蓋爲一。惜其說無傳。北齊書方伎傳。信都芳曰。渾天覆觀。以靈憲爲文。蓋天仰觀。以周髀爲法。覆仰雖殊。大歸是一。私撰歷書。名曰靈憲歷。後漢張衡爲太史令。錢湘天漢總序是則言天諸家。其名雖異。而其理則一。故昔人謂堯之歷象。蓋天也。舜之璇璣。渾天也。惟漢王仲任。雖云據蓋天之說。以駁渾儀。而其云。當日入西方之時。其下之人。亦將謂之爲中也。四方之人。各以其近者爲出。遠者爲入。乃不易之論。後人不得其貫通之故。遂以爲渾天之地。浸於水。蓋天之地。區而平。軒天之地。邪而側。皆由不知地

是以不知天耳。今時憲用西洋人明史曰義和既失其守古籍之可見者僅有周髀而西人渾蓋通憲之器寒熱五帶之說地圖之理正方法之法皆不能出周髀範圍亦可知其源流之所自矣。明史云前代遠國在西域而東北無開唐之九執歷元之萬年歷及洪武間所譯回回歷皆西域也蓋義和仲叔分宅四方義仲義叔和叔則以嶠東南交朔方爲限獨和仲但曰宅西而不限以地豈非當時發軔之西被者遠哉蓋東南兩海北地嚴寒是以抱器而往者多在西耳

日食

古謂日食有中食夜食之異春秋隱公三年春王二月己巳日有食之桓公三年秋七月壬辰朔日有食之既京房易傳推隱三年之食貫中央上下竟而黑桓三年之食貫中央上下竟而黃鄭康成以爲月正掩日日光從四邊出故言從中起也南齊書天文志云舊說日有五蝕謂起上下左右中央也又云若日中有虧名爲西子不名爲蝕也莊公十八年春王三月日有食之穀梁傳曰不言日不言朔夜食也范氏集解本於鄭君以爲朔日日始出其食有虧傷之處未復

故知此自以夜食。夜食則亦屬前月之晦。楊士勛疏引徐邈云。夜食則星無光。張靖策廢疾云。立八尺之木。不見其影。並與范意異。南齊書難曰。日之夜蝕。驗於夜星之亡。晝蝕既盡。晝星何故反見。答曰。夜食度遠。與所當而同。沒晝食度近。非由衝而得明也。按日食固有食未復而入地。或先食而後出地者。故史記以明日日食而出。出而解爲夜食。而星之無光。殆難考信。至西子之說。似卽日中黑子耳。惟是古歷有定朔平朔之異。古歷皆以月之大小相間。而後漢書所載。衛承等以爲當先小。李梵等以爲當先大。宋何承天始有三大二小之說。人無信者。至唐麟德歷而定朔之法。乃行。後代循用。按日食自漢至隋。凡二百九十三。而食於晦者七十七。晦前一日者三。初二日者三。唐至五代。凡一百一十。而食於晦者一。初二日者一。初三日者一。宋較前代爲密。宋之日食。凡一百四十八。雖無晦食者。而有當食不食者十三。元凡四十五。亦無晦食。而有推食不食者一。食而失推者

一夜食書畫者一至加時差四五刻者人皆謂推測之法後人精於前人而猶不能無誤其實前人非疎歷本當隨時改易假使以今所立之法後去數百年要亦以漸而差也

崇正初日食失驗乃以徐光啟言詔西洋人推算歷法

歲差無法

日發歛一終而成歲歲無差也以每歲日與星度相差而星之名不定故不曰星差曰歲差其所以差者何故也天行三百六十五度二

十五分而有餘

古云四度之一者取百分而四之則各得二十五分矣

日行三百六十五日二十五分

而不足於每歲冬至日躔赤道之度爲驗則天漸差而西歲漸差而東自遂古之初已然矣但古歷未嘗有歲差之法漢洛下閎始謂百年後當差一度晉虞喜始以天爲天歲爲歲而立差法謂五十年差一度其後宋何承天謂百年差一度同於洛下閎隋劉炫謂四十五年差一度又彷彿虞喜顧以爲百年則已多以爲五十年則又少於是衆說紛紜隋劉焯謂七十五年唐僧一行謂八十二年宋周琮謂

七十七年七月楊忠輔謂六十七年俱酌取二者之中其若宋祖冲之謂百八十三年梁虞鄭謂百八十六年視百年之說幾倍之而元郭守敬疏中謂冲之始悟太陽有歲差之數蓋專爲造歷者言也歷至後世加密郭守敬減周歲爲三百六十五日二十四分二十五秒加周天爲三百六十五度二十五分七十五秒強弱相較差一分五十秒凡積六十六年有奇而退一度其測影驗氣說非前人所能及但其言上推往古則每百年消一下算將來則每百年長一以是爲法要其失仍與前人等耳何也爲限以一定之法也竊謂治歷者不可不知歲差而斷不能立差法以定歷今試追溯前代冬至之見於書者一參考焉而自得之堯時冬至初昏昴中口在虛七度或云在女十度或云女虛之交夏太康十二年在女十一度商太甲二年在女六度周康王十一年在牽牛六度秦莊襄王元年在斗二十二度漢元和二年在斗二十一度晉太元九年在斗十七度劉宋元嘉十

年在斗十四度。梁大同十年在斗十二度。唐開元十二年在斗九度。
宋慶歷四年在斗五度。熙寧五年在斗二度。元至正十七年在箕十
度。明洪武十七年在箕七度。嘉靖三年在箕三度。萬歷四十年在箕
三度十九分十九秒。今之時憲已在箕一度矣。邇唐堯之元載以及
於今。凡四千一百二十餘年。而所差凡五十九度。昔之人但就當時
所測。因以臆增損其實。能知近而不能知遠。故洛下閎謂後八百歲
當差一日。必有聖人正之。若使凡八百歲。準差一日。則洛下閎即可
預正之矣。何待後聖哉。郭守敬所謂上推消一下算長一者。雖未之
有。當而其以消長爲說。則理至精微。消長卽遲速之謂也。消長在天
者。隨日隨歲皆有之。人可測量而得。此歷所以當隨時改也。然其或
消或長之故人。必不可得而知之。此歲差所以無法可立也。卽如堯
元載至秦莊襄元年。由虛七度退至斗二十二度。凡二千二十八年。
而僅差十五度。是行之遲也。自秦莊襄元年至宋慶歷四年。由斗二

十二度退至斗五度。凡一千二百九十二年而已。差十八度。是行之速也。自元至正十七年。至明嘉靖三年。由箕十度退至箕三度。凡二百四十年而差七度。是亦行之速也。自嘉靖三年至今。由箕三度退至箕一度。亦二百四十餘年而所差僅兩度。是又行之遲也。是不惟向後之歲差無定。卽上考亦參差而不合。今西法之說曰。列宿每年東行五十一秒。積七十年有奇而差一度。至二千一百十七年有奇而差一宮。至二萬五千四百十年有奇而東旋一周。此是約舉。豈可平分。且當萬歷時。利瑪竇西來。其說以六十六年八閏月而差一度。今西人又謂七十年有奇而差一度。然則西法已前後互異。而謂其法可以上下千古哉。且古與今尤有不同者。古謂恒星千古不移。而黃道之節氣。每歲西退。今謂黃道終古不動。而恒星每歲東行。古周天三百六十五度四分度之一。今法則周天總三百六十度。而以此五度四分度之一截去。而均排於三百六十之整數中矣。古法度

析百分分析百秒。今法則度析六十分。分析六十秒矣。古法一日百刻。時各八刻。而或子午卯酉得九刻。或子午二辰各十刻。元歷則每辰得八刻三分刻之一。今法則齊之以九十六刻矣。將來冬至日躔在箕者。必退及於尾。而箕初度與尾末度相接。度既不同。則彼此所屬。曾非古度。且古尾箕俱在析木之辰。寅宮也。今則箕惟初一度在寅。箕二已入丑宮。是則今十二宮之分。亦非古元枵娵訾等之十二次矣。即可驗下。何由而考上哉。孟子曰。苟求其故。千歲之口至可坐而致也。所謂故者。乃指現在之躔度而言。以見改歷之有自。易象治歷明時。所以取諸革也。而講家乃推及於上古年月日時俱命子者。爲歷元。謂是歷元可知。夫自黃虞以來。歷代所用之元各異。郭守敬卽以至元辛巳爲元。西法卽以萬歷癸丑爲元。蓋近者可知。而遠者不可知也。孟子以善端發現言性。而豈取喻於開闢以來不可知之數歟。又古時北極星正當不動之處。今時久漸移。已去不動處三度。

有奇。又指南鍼非指正于午，多偏丙午之間。以法考之，各地不同，俱見崇正二年禮部侍郎徐光啟之疏。此學者所當知也。

七政體象

水火木金土五星分之各一星耳。自西法入中土，而土木二星乃聞各有旁附之小星。雍正癸卯，欽天監正戴進賢有黃道總星圖說，因及七政體象曰：太陽之面有小黑影，亦常無定，運行二十八日，滿一週。太陰之面以太陽之光正照顯明影，偏照顯黑影。土星之體彷彿卵形，亦有變更，遠於赤道其星圈所宕甚寬，近於赤道其星圈相逼甚窄。外有排定小星五點，非大千里鏡不能測視。其旋土星而行，相近土星者為第一，大約行二日弱；第二星行三日弱；第三星行四日半強；第四星畧大，行十六日；第五星行八十日，俱旋行土星一週。天文志曰：填星形如瓜，兩側有兩小星，如正蓋明所測也。木星之面常有平行暗影，外有小星四點。第一星行一日七十三刻，第二星行三日五十三刻，第三星體畧大，行七

日十六刻。第四星行十六日七十二刻。俱旋行木星一週。火星之面。內有無定之黑影。金星水星俱借太陽之光。如月體相似。按合朔弦望以顯其光。又曰。週天星形自古迄今。稍有隱見不一。假如舊見而今偏隱。又有舊隱而今反見。光之大小亦不相等。此理卽習知天文者亦難明徹。此類星形大約隱見於天漢之內。聚集無數小星。莫可紀極。按千里鏡大者約長二丈。圓圍徑尺。惟欽天監有此。但西人雖精于推算。亦但因動而知其數。因鏡而識其形。安得世有能作地動儀如張平子者相與講求其故也。

星有古今不同

三垣二十八宿之星。丹元子作步天歌。所言歷世無改。而乃有古多今少。古少今多。古無今有。古有今無者。明史天文志始著其說。以今欽天監所測。則與明史又有同有異。其同者如紫微垣之六命。今古六華蓋。今古天厨。今古天市垣之市樓。今古太微垣之常陳。今古三郎位。

長垣今古二氏宿之亢池今古六尾宿之天龜今古五斗宿之璣今古十三

牛宿之羅堰今古三女宿之十二國中趙周秦代今古各一扶筐今古七虛宿

之司危司祿今古各一敗曰今古四離瑜今古二天壘城今古十三危宿之杵今古一

曰今古四車府今古七天鈞今古九天鈔今古十蓋屋今古二室宿之羽林軍今古四

十五今古騰蛇今古二十二壁宿之天廡今古三奎宿之天淵今古七畢宿之天節今古八

觜宿之座旗今古九鬼宿之外厨今古六軫宿之青邱今古七此古多

今少之與明史同者也而若紫微垣之傳舍今古九天牢今古二角宿之

庫樓今古九危宿之人今古五井宿之軍井今古十三此亦古多今少而自

明至今又有多少之不同也至如角宿之柱今古十五氏宿之騎官今古七

心宿之積卒今古十二牛宿之九坎今古九右旗今古八天桴今古四室宿之土

功吏今古二畢宿之九州殊域今古九九旂今古八此亦古多今少而明史

無述焉豈明時尙全見耶抑已闕而失載耶若紫微垣之御女四天

柱五大理二五帝內座五大贊府步天歌云後門東邊大贊府今星無之天牀六內厨二四

勢四太微垣之五諸侯五亢宿之折威七氐宿之帝席三斗宿之天

籥八農丈人一牛宿之天田九女宿之離珠五室宿之八魁九畢宿

之咸池三張宿之天廟四翼宿之東甌五軫宿之軍門二土司空四

器府二十此古有今無之與明史同者也而若井宿之積水一星今

亦無之而明史無述焉其同異不可知也至明史所載紫微垣之天

理四星全無而今則又俱見之明史又有古少今多者昴宿七星而

有三十六蓋以測遠鏡得之有古無今有者策星旁客星神宗萬歷

元年所出先大後小至今則又無聞焉又梅文鼎揆日候星紀要謂

西儒新增南極之星二十一名火鳥十水委三蛇首蛇腹蛇尾耐小

斗七飛魚七南船五海山六十字架四馬尾四馬腹三蜜蜂四三角

形三海石五金魚四夾曰二附曰一異雀十孔雀十波斯一鳥喙六

鶴二共一百三十四星此當自古有之特古人未之見耳至明史謂

雲漢起尾宿分兩派一經天江尾南海市樓市過宗人市宗星市

涉天津至騰蛇一由箕斗天弁斗河鼓牛左右旗牛涉天津女至車
府危而會於騰蛇室過造父危直趨附路奎閣道奎大陵胃天船胃
漸下而南行歷五車畢天關畢司怪觜水府井傍東井入四瀆井過
闕邱井彊矢井天狗之墟鬼抵天社鬼海石之南極踰南船極帶海
山極貫十字架極南蜜蜂極南傍馬腹極南經南門角絡三角極南龜尾杵箕
而屬於尾宿是爲帶天一周又謂雲漢爲無數小星大陵鬼宿中積
戶亦然凡測而入表之星凡一千三百四十七微細無名者不與其
大小分爲六等此蓋西人測望累世當不誣也

宿度古今不同

天何以分三百六十五度四分度之一也日行一晝夜周天天行一
晝夜週天而又過之以所過之數爲一度而二十八宿分之度有未
盡又得四分之一也漢書律歷志所載東方七十五度則角十二亢
九氐十五房五心五尾十八箕十一也北方九十八度則斗二十六

牛八。女十二。虛十。危十七。營室十六。壁九也。西方八十度。則奎十六。婁十二。胃十四。昂十一。畢十六。觜二。參九也。南方百一十二度。則井三十三。鬼四。柳十五。星七。張十八。翼十八。軫十七也。合共三百六十五度而已。後漢書劉昭補律歷志。永元十五年。詔造黃道銅儀。東方七十七度。則角十三。亢十。氐十六。房五。星五。尾十八。箕十也。北方九十度。則斗二十四。度四分度之一。牽牛七。須女十一。虛十。危十六。營室十八。東壁十也。西方八十三度。則奎十七。婁十二。胃十五。昂十二。畢十六。觜三。參八也。南方一百九度。則東井三十。輿鬼四。柳十四。星七。張十七。翼十九。軫十八也。合共三百六十五度。而繫四分度之一於斗宿焉。乃晉書天文志云。周天三百六十五度。五百八十九分度之百四十五。魏書及隋書天文志。俱載宋何承天論渾天象體云。周天三百六十五度。三百四分之七十五。若以四分之一計之。則晉志尙餘九分。隋志尙餘四分。前人約畧言之。不似後人細密也。唐麟

德命子元歷。東方七十五度。北方九十八度。西方八十度。南方一百十二度。赤道之度。皆同前漢。東方七十七度。北方九十六度。西方八十三度。南方一百九度。黃道之度。同於後漢。至開元大衍。歷經赤道。則東與北。皆同前漢。而西八十一度。多其一焉。南一百十二度。少其一焉。蓋一行以儀測定。得畢觜參鬼四宿分度。與古不同也。黃道則東七十五度。少北九十七度。太西八十二度。南百一十度。半。不但與漢同。且與麟德歷亦異。蓋赤道分天之半。一定不易。故今古不甚參差。黃道行赤道之中。推歲差所在。二至前後。以差減而得。二分前後。以差加而得。故求之有餘分。就近分太半。少及強弱之數。唐書明其故。而言不詳。至宋史乃詳之。宋少精算者。北宋之應天。乾元。儀天。崇天。明天。奉天。觀天。紀元。自建隆至靖康。百六十餘年。歷凡八改。南宋之統元。乾道。淳熙。會元。統天。開禧。會天。成天。自建炎至德祐。百五十年。歷又八改。衆說無所適從。於衆中。爲舉景祐所測驗者。赤道則

東方七十五度。北方九十八度。西方八十一度。南方百十一度。合共三百六十五度。黃道則東方七十五度少。北方九十七度二千五百六十三秒十九。西方八十二度少。南方百十一度半。合共三百六十四度。所謂太半少者。獨黃道有之耳。元史則赤道黃道皆有太半少。而詳其分數。每一度析爲百分。赤道東方七十九度二十分。北方九十三度八十分。太西方八十三度八十五分。南方一百八度四十分。合共三百六十三度二百二十五分。黃道東方七十八度一十二分。北方九十四度一十分。太西方八十三度九十五分。南方一百九度八分。合共三百六十四度一百二十五分。其所多二十五分。卽四分度之一也。蓋歷法至郭守敬授時歷。考測已爲至精。西法始自前明分周天三百六十整度。每度六十分。卽以此渾天如紙界。烏絲別爲之格。周天凡二千一百六十分而已。非若古之一度百分者。周天有三十六千五百二十五分也。又以觚參易換。古先觚後參。今先參後

觜赤道東方七十六度一百九十三分。則角十一度四十四分。亢九
度十九分。氐十六度四十一分。房五度二十八分。心六度九分。尾二
十一度六分。箕八度四十六分也。北方九十度二百三分。則斗二十
四度二十四分。牛六度五十分。女十一度七分。虛八度四十一分。危
十四度五十三分。室十七度整。壁十度二十八分也。西方七十八度
一百八十五分。則奎十四度三十分。婁十二度四分。胃十五度四十
五分。昂十度二十四分。畢十六度三十四分。參二十四分整。觜十一
度二十四分也。南方一百三度一百九十九分。則井三十二度四十
九分。鬼二度二十一分。柳十二度四分。星五度四十八分。張十七度
十九分。翼二十度二十八分。軫十五度三十分也。合共三百四十七
度七百八十分。合十度黃道東方七十二度二百六十四分。北方九十
八度二百五十四分。西方六十九度一百七十一分。南方一百七度
九十一分。合共三百四十六度七百八十分。合十度若今欽天監所測

角九亢十氐十七房四心六尾十五箕八斗二十三牛七女十虛十危十九室十四壁十二奎十一婁十二胃十一昂八畢十三參一觜十一井三十鬼三柳十六星八張十七翼十六軫十二各宿一度之前俱有初度合共三百六十度此與明史所載西法又各不同且明之西法如元歷之度後有分今則以初度先於一度是又西法之變差錯爲整齊也若甯在元半度者至崇正元年測之已無度而且侵入參二十四分則但有二十七宿矣輿鬼亦以漸減更千百年列宿之名得無有須更定者歟

十二辰所屬

人生所屬十二辰見於論衡物勢篇獨閔辰龍後周書宇文護之母與護書內云生汝兄弟大者屬鼠次者屬兔汝身屬蛇宋史趙善應汝恩母生歲值卯謂卯兔神也與韓毛穎傳稱十二神皆以辰爲神之父按說文但謂巳爲蛇象形通志曰巳蛇屬也亥豕屬也他並假借困

學紀聞曰吉日庚午既差我馬午爲馬之證也季冬出土牛丑爲牛之證也紀聞又引蔡邕月令論云十二辰之會五時所食者必家人所畜及月令正義云雞爲木羊爲火牛爲土犬爲金豕爲水陰陽取象不可一定者以上所言莫能該備明楊升菴曰日中有金雞乃酉之屬月中有玉兔乃卯之屬日月陰陽互藏其宅也古篆巳字作蛇形亥字作豕形餘可推而知矣通雅王達云子陰極午陽極丑陰俯未陽仰寅三陽申三陰卯酉爲日月之門辰巳陽起戌亥陰歛而十二屬配之也又有以足上趾爪奇耦言者如鼠之前足四爪後足五爪前足昨夜之陰後足今日之陽也虎龍猴狗皆五爪馬蹄圓皆陽也兔雞皆四爪牛羊猪皆蹄分皆陰也又有以形體不全取義者如鼠目少光又無肝牛少齒虎短項兔缺唇且一竅龍無耳蛇無足馬虧膽獨蹄羊上視虧瞳猴虧脾雞無外腎犬虧大腸猪無總筋以上諸說似皆言未有當惟朱子嘗問蔡季通謂二十八宿之象惟龍與

牛爲合。他皆不類。又以虎當酉而反居寅。雞鳥屬而反居酉。爲舛之甚。不知季通何以答也。竊嘗以史志分宮之度。循次而觀之。則虛日鼠在子。牛金牛在丑。尾火虎在寅。房日兔在卯。亢金龍在辰。翼火蛇在巳。星日馬在午。鬼金羊在未。觜火猴在申。昂日雞在酉。婁金狗在戌。室火猪在亥。象適相符。不知朱子何云未合耶。因而推求其所以然之故。一宮之內有三宿四宿。此乃舉其中者。且於七政惟取其屬日金火三者。子午卯酉皆日。辰戌丑未皆金。寅申巳亥皆火。而於屬月木水土者無取。蓋十二宮之旁兩星皆分跨兩宮。如危月在亥子之間。女土在子丑之間。斗木在丑寅之間。氐土在卯辰之間。軫水在辰巳之間。張月在巳午之間。柳土在午未之間。井木在未申之間。畢月在申酉之間。胃土在酉戌之間。奎木在戌亥之間。既界在兩辰而所屬乃月木水土。故皆所不取。惟尾火亦界寅卯之間。顧不取箕豹而取尾虎者。則以箕屬水之故。卽是以推卯辰申亥四舍中星有

二者卯取房不取心心乃月也辰取亢不取角角乃木也申取觜不取參參乃水也亥取室不取壁壁亦水也月木水土所以無取者天生地成水月皆陰木土附地非若日爲火精火與天同性金則與天同體取其生氣也十二次起某宿幾度自昔費直說易蔡邕月令章句已各不符然自漢訖元度之進退雖屢更而宿則無改明史雖改宿度而女二入子斗三入丑尾三入寅氐一入卯軫一入辰張十五入巳柳三入午井八入未畢六入申胃三入酉奎一入戌危十二入亥猶不離乎此宿今之分宮惟虎猶在寅其鼠兎蛇馬猴雞猪巳俱交隸兩宮而牛在子龍在卯羊在午狗在酉宮位已改至未則起井二十八度至觜十度丑則起斗二十三度至箕二度各分得兩宿之半更無居中之宿而猶以丑爲牛未爲羊何也若夫十二次之名古曰娵訾亥降婁戌大梁酉實沈申鶉首未鶉火午鶉尾巳壽星辰大火卯析木寅星紀丑元枵子爾雅誌其九而漢志詳列之歷代無異

也。明史紀回回歷法，乃西域默狄納國王馬哈麻所作，其十二辰之名曰：白羊、戌、金牛、酉、陰陽、申、巨蟹、未、獅子、午、雙女、巳、天秤、辰、天蠍、卯、人馬、寅、磨羯、丑、寶瓶、子、雙魚。亥是皆術家之言，譯者取之，背昌黎以磨羯爲身官，東坡以磨羯爲命，見於志林，自必宋以前已有此名耳。而載之正史，則明史始矣。

俗稱駝鼠十二肖形鼠且牛蹄虎耳兔唇龍頰蛇項馬腹羊首燕毛雞隄犬股豕鬣考之坤雅本草綱目物理小賦俱無此說

二十四氣

二十四氣之名，見於周書周月時訓二解及淮南子、漢律歷志等書，而其中有難解者，如芒種、五月節。周官曰：澤草所生，種之芒種。鄭司農曰：芒種，稻麥也。左思魏都賦曰：甘荼伊蠶，芒種斯阜。則芒種之種，當音上聲，不當讀去聲。小滿，四月中，蓋小滿當陽之極盛而未及芒種，故爲小滿。南齊書云：晉宋舊制，宰人之官，以六年爲限，後以三周爲期，謂之小滿。呂文顯傳亦此意也。近見桐城方孝標鈍齋文選，有二十四氣說曰：四月中小滿，先儒云：小雪後，陽一日生一分，積三十日，陽

生三十分成一晝爲冬至小滿後陰生亦然夫四月乾之初謂之滿者姤初羸豕蹢躅坤初履霜堅冰羸喻其小蹢躅喻其滿霜喻其小堅冰喻其滿易言於一陰旣生之後歷言於一陰方萌之初也小雪後有大雪此但有小滿而無大滿意可知矣若夫三月中穀雨五月中芒種種之有芒者麥也此二氣獨以穀麥言者處暑農始登場此曰穀雨農方種穀冀秋成也穀必原其生之始者穀種於春得木氣成於秋金克木也麥必要其成之終者麥種於秋得金氣成於夏火克金也木氣柔故穀穎垂金氣剛故麥穎昂也無穀民何以生無麥民何以續春秋大無麥禾則書之此也又曰七月中處暑蓋大火西流暑氣於此乎處處者居也止也又曰春夏主生曰雨曰風曰雷皆生之氣也秋冬主成曰露曰霜曰雪皆成之氣也其餘所言猶是尋常意見所及故不備錄又按夏小正正月啟蟄漢以避景帝諱改啟爲驚月令仲春之月始雨水古歷皆先啟蟄後雨水律歷志又先穀

雨後清明。惟淮南子天文訓之次序。乃卽今所行者。而淮南曰雷驚蟄。曰春分則雷行。曰清明風至。曰白露降。此四氣有增益之字。文義較明。

納音

納音之說。自路史及筆談輟耕錄所言各異。惟通雅載有一訣。不知其何所本。而所言最爲約簡。人多不得其解。余特爲解之。其訣曰。六旬命乙妙絕位。七七抽除地與天。五減零求生數理。納音得此幾人傳。蓋必先明乎干支分合之數。而五行五音一屈指而可得。天干之數。命已得九。乙庚得八。丙辛得七。丁壬得六。戊癸得五。地支之數。子午得九。丑未得八。寅申得七。卯酉得六。辰戌得五。巳亥得四。若合兩干兩支之數。則一六爲水爲羽。二七爲火爲徵。三八爲木爲角。四九爲金爲商。五十爲土爲宮。本此數以定納音。凡以太行之數五十。其用四十有九。今合兩干兩支四字之數於四十九內除之。再於所餘

數內除十不用。但視零數。數得一六是水。水生木。數得二七是火。火生土。用其所生。以爲納音。如命子乙丑。數得三十四。於四十九內除。去三十四。則所餘十五。再除十餘五。五爲土。土生金。故曰命子乙丑。海中金。乃土宮音。納金商音也。他皆倣此推之。至於納音之說。前人謂起自黃帝。則如釵釧金箔之金。安得古有此物。因又有以五行五音爲鬼谷子王詡所加。而海中爐中等名。爲東方朔所加者。要亦無稽之談。爲術士托名。本無精義也。

納命

八卦納命。始于京房虞翻之說。易及魏伯陽參同契。而先天圖取義於此。離爲日。坎爲月。乾純陽爲望。命月盈坤純陰爲晦。命月沒震一陽在下。爲朏。命月出兌二陽在下。爲上弦。命月見巽一陰在下。爲生魄。命月退艮二陰在下。爲下弦。命月消順其序而數之。自晦朔會而象坤。三日朏而象震。五日上弦而象兌。七日望而象乾。旣望而生魄。象巽。八日下弦。

象艮七日復與日會於辰次之所象坤惟離納巳坎納戊則虛其中而不用焉至漢上又有九天九地之數乾納命壬自命至壬其數九坤納乙癸自乙至癸其數九九天之上六命子九地之下六癸酉凡皆強合耳

孤虛旺相

孤虛旺相之說漢志有風后孤虛二十卷其書不傳趙氏孟子注曰天時謂時日支干五行旺相孤虛之屬也孫氏疏曰五行金木水火土是也金旺在巳午未申酉木旺在亥子丑寅卯水旺在申酉戌亥子火旺在寅卯辰巳午土旺在申酉戌亥孤虛之法以一畫爲孤無畫爲虛二畫爲實以六十命子日定東西南北四方然後占其孤虛實而向背之卽知吉凶矣是則五行之旺其爲十二支所專屬者獨丑木辰火未金而已子兼木水寅卯皆兼木火巳午皆兼金火申酉皆兼金水土戌兼水土亥兼木水土非有專屬而所謂一畫二畫未

知何解也。案白虎通云五行所以更王何以其轉相生故有終始也。

木生火火生土土生金金生水水生木是以木旺火相土死金囚水

休王所勝者死囚故王者休。我生者旺生我者休我克者死克我者囚吳越春秋計硯曰明於

孤虛又曰夫孤虛者謂天門地戶也。注云史龜策傳曰日辰不全故

有孤虛六命孤虛法命子句中無戌亥戌亥即為孤辰巳即為虛蓋

句空為孤對衝為虛餘五句可以類推。或云虛如命乙木實則壬癸

水虛丙午火實則命乙木虛蓋以生乎王者為虛敵乎王者為孤則

虛又即休之謂孤即囚之謂中華古今注唐高宗策問兵書言天陣

地陣人陣何也員半千對曰天陣者是星辰孤虛兼星辰言未得其

解按以對衝為虛猶建除家之以對衝為破但建至破自前順數以

及後虛之與句空乃自後逆數以至前魏書鹿念傳念趣彭城軍主

姜桃語念曰今歲星在斗吳之分野君何為不歸梁念曰今月建鶉

首斗牛受破歲星木也逆而剋之吳國敗喪不久蓋鶉首屬未斗在

丑丑屬土。此謂丑未相衝。又木剋土也。若世俗相傳擇日之說。其來亦古。宋史苗訓子守信。淳化初上言。正月一日爲一歲之首。每月八日。天帝下巡人世。察善惡。太歲日爲歲星之精。人君之象。三元日上元天官中元地官下元水官各主錄人之善惡。又春戊寅夏命午秋戊申冬命子爲天赦日。皆不可以斷極刑。

九宮

時憲書首列一歲之九宮圖。又每月各有九宮圖。九宮之說相傳肇

自黃帝。又名三白圖。

見元文類楊桓授時歷神詳式序文

嘗考屈原九歌已有東皇太一

漢武帝時。亳人繆忌奏祀泰一方曰。天神貴者泰一。特未明指九宮

耳。易緯乾鑿度曰。太一取其數以行九宮。四正四維皆合於十五。五

音六律七宿。由此作焉。鄭康成注曰。太一者。北辰之神名也。居其所

曰太一。常行於八卦日辰之間曰天一。抱朴子軍術曰。大將軍當明

案九宮。視年在宮。常就三居五。五爲死。三爲生。能知三五。橫行天下。

江文通上建平王書曰。豫三五賤伎之末。用此也。魏書李業興傳。業興造九宮行。基歷以五百爲章。四千四十爲部。九百八十七爲斗分。還以巳未爲元。始終相維。不復移轉。與今歷術不同。至於氣序交分。景度盈縮。不異也。南齊書高帝紀云。案太一九宮占歷。推自漢高帝五年。至宋順帝昇明元年。凡一千二百七十九年。按六百七十九年。不莫知其解。隋書經籍志所載黃帝九宮經。鄭康成注九宮經。九宮行。基經。房氏九宮行。基法。王深九宮行。基立成法。豆盧晃九宮要集。李氏注九宮經解等書。卽世有傳者。其真僞不可知。惟舊唐書禮儀志。天寶三載。術士蘇嘉慶請建九宮貴神壇。及太常卿王起。廣文博士盧就等之議。所引黃帝九宮經。及蕭嵩或作蕭吉五行大義。九宮者。一坎二坤三震四巽五中央六乾七兌八艮九離。其神太一攝提軒轅招搖天符青龍咸池太陰天一其星天蓬天芮天衝天輔天禽天心天柱天任天英。素問注先天任後天柱其方白黑碧綠黃白赤白紫。其地冀荆青徐豫

雍梁揚充皆依一坎至九離之次序土飛於中數轉於極合河圖從

橫十五之數在天寶初九宮神位四時改位呼爲飛位改位者前圖之九

之二三三乃後乾元元年後貴神已不易位矣至宋仁宗景祐二年學士

承旨章得象言司天監生于淵等奏祀九宮貴神止用一局失逐年

飛官法卻良遇有飛基立成圖位隨歲改謂之行基議依唐禮隨每

年飛基之方以定神位山堂考索謂太一飛在九宮每四十餘年而

一徙按天寶時九宮壇正北曰太一宋太宗雍熙命申祀東太一仁

宋天聖已已祀西太一神宗熙寧命寅祀中太一命申至已已四十

六年已已至命寅亦四十六年皆過五九之數而徙也時遼亦以君

基太一神爲福神名所臨之國民享多福特未知九宮之說耳至唐

志言戴九履一左三右七二四爲上六八爲下符於遁命者遁命以

休生傷杜景死驚開八門推驗吉凶不離八卦之義宋又有太一之

十神曰五福君基大遊小遊天一臣基直符民基四神地一謂之十

神太一此與唐會昌二年中書門下奏太一掌十有六神之法度者同爲陰陽家臆造而以九宮爲星名者素問太始天元冊文有九星之言王休或作永非注謂卽北斗九星七明二暗楚詞劉向九嘆云訊九魁音與六神注九魁北斗九星也北斗經疏云不止於七而全於九加輔弼二星故也其與唐書言北斗有權衡二星天一太一參居其間不知孰見之而孰知之善乎理宗時劉黻之上疏也曰西太一之役佞者進曰太一所臨分野則爲福近歲自吳移蜀信如祈禳之說西北坤維按堵可也今五六十州安全者不能十數敗降者相繼福何在耶

棋藏乾坤策

宋羅五星善奕棋魏了翁鶴山集有贈羅詩云三百六十一棋子此是乾策藏其奇萬有一千五百二十星若以三十六乘之乘之旣盡除坤策恰與棋數無參差余按乾策乃四九三十六之數合六爻得

策二百一十有六。又合坤策百四十有四。共成三百六十當期之日。今棋盤縱橫十九。中間增多一子矣。詩意蓋謂每子皆含三十六數。以此增多之一子取出。作為三六。更以三六乘三六。得數一二九六。以元會運世計之。十二世為一運。一世凡三百年。凡三百六十年。十二會為一元。一會三十運。一萬八百年。凡十二萬九千六百年。一二九六合此數也。於此數內。除去坤數一四四。所餘一一五二。正是萬一千五百二十。則是萬一千五百二十。乃藏於三百六十一之中。非謂以萬千五二為實。而以三六為法乘之也。若以三六乘萬千五二。則得四一四七二。數不相符矣。詩故倒置其詞。使人乍閱之。索解不得耳。

志書

郡縣之有志乘。前代無聞。至宋乃有專志一郡。及專志一縣者。其實志之書。自古有之。周禮小史掌邦國之志。外史掌四方之志。國學紀聞曰。邦國之志。若周志史佚之志。鄭書楚書秦記之類。嘗考左傳所

載狼暉曰周志有之勇則害上不登於明堂文公二年史駢曰吾聞前志有之曰敵惠敵怨不在後嗣忠之道也文公六年季文子曰史佚之志有之曰非我族類其心必異成公四年按史佚周文王太史子臧曰前志有之聖達節次守節下失節成公十年仲尼曰志有之言以足志文以足言襄公十五年子皮曰仲虺之志云亂者取之亡者侮之襄公十年子產曰鄭書有之曰安定國家必大焉先襄公十年子產曰故志曰買妾不知其姓則卜之昭公元年仲尼曰古也有志克已復禮仁也昭公十二年外此若大學之楚書孟子內陳代與滕百官之所稱皆邦國之志耳三代而下史記有書漢書有志志特爲史中一體與紀表傳分列漢後乃有九域志十道志郡縣志輿地記以至一山一寺莫不有志今天下府縣志每數十年一條而訛謬百出其卓然可觀者鮮矣

直隸省

總督巡撫布政按察三司

直隸見宋史直隸省見元史宋趙普傳普與帝謀令節鎮所領支郡

皆直隸京師得自奏事不屬諸藩于是節度使之權始輕元地理志序曰唐以前以郡領縣而已元則有路府州縣四等大率以路領州

領縣而腹裡

元帝書省一行中書省十有一中書省統燕南山東山西河南河北之地謂之腹裏

或有以路領府府領州

州領縣者其府與縣又有不隸路而直隸省者焉明制兩京外分十

三省省各設布政司按察司布政則有左右布政使各一人以掌一

省之政按察惟按察使一人掌刑名按劾之事知府掌一府之事以

達於省惟直隸府得專達部知州之直隸州視府直隸府惟兩京爲

然以兩京不設布按二司故也布政司有左右參政左右參議分司

諸道按察司有副使僉事分司諸道兩京旣無兩司故督學以御史

而諸道亦皆寄銜於各省北京之道其寄銜於山東者則爲密雲道

大名道天津道霸州道其寄銜於山西者則爲易州道口北道昌平

道井陘道薊州永平等道南京之道其寄銜於山東者則爲太倉道

潁州道徐州道其寄銜於浙江江西湖廣者則爲蘇松道漕儲道常

鎮道廬鳳道徽寧池太道淮揚道其派管糧儲兵備提學撫民巡海
清軍驛傳水利屯田招練監軍各專事置併分員巡備京畿我朝
康熙八年直隸設總理錢糧道總理刑名兼驛傳道雍正二年以守
道爲布政司巡道爲按察司布政按察設而直隸遂爲一省之名矣
至直隸之設巡撫總督自明已然巡撫有三一駐遵化州巡順天永
平二府一駐鎮定巡保定等六府後又增一員駐永平止轄順天至
嘉靖時於通州萬歷時於天津皆事竣卽罷明自懿文太子巡撫陝西有巡撫之名至宣德間乃以次於各省專
撫官總督有二其先開府密雲轄順天保定遼東三巡撫崇正間又
增置一員於保定我朝順治五年設總督直隸山東河南都御史
於大名十六年改三省總督爲直隸總督而巡撫則巡順天者駐遵
化巡保定者駐正定又有宣府巡撫亦順治初設至八年裁併順天
康熙八年裁總督及順天巡撫惟設一直隸巡撫自正定移駐保定
雍正二年陞巡撫爲總督而巡撫不復設康熙間之巡撫曾加總督

銜未幾罷加銜乾隆三十二年更以總督兼巡撫銜明之總督兼糧餉巡撫兼關隘及河道今則合為一也

清苑

保定府治清苑清苑之名後魏始有今志乘之書皆以清苑為漢之

樊輿蓋起於明一統志天順五年李賢等時呂原等所脩云清苑縣附郭本漢樊輿縣屬

涿州北齊省入永寧軍後置樂鄉縣隋改為清苑縣屬河間郡以境

內有清苑河故名清苑河舊名沈遠河又名沈遠泊今之府河也按漢書地理志涿郡有樊輿莽曰

信都國有樂鄉莽曰晉書地理志則樊輿樂鄉之名皆無而高陽國

有北新城魏書地形志高陽郡屬始有清苑縣注云高祖孝文帝太和

元年分新城置而高陽所領清苑之外尚有樂鄉有扶輿即樊輿也則

樊輿樂鄉二縣廢於晉而復於後魏矣隋志河間郡有清苑注云舊

曰樂鄉後齊省樊輿北新城清苑樂鄉入永寧改名焉開皇十八年

改為清苑蓋後魏之樊輿樂鄉清苑至齊俱併為永寧永寧即鄭而隋時

返舊獨稱清苑

隋志注有清苑又有北新城是改清苑之名者獨併樊輿樂鄉二縣而北新城不與其內

嗣此樂鄉樊輿之名

不見於地志矣舊唐書地理志云清苑漢樂鄉縣隋為清苑至宋乃

陞清苑縣為保州

大清一統志云宋三陵在清苑縣東南御城西北僖祖曰欽陵順祖曰安陵太平興國中以祖宗陵墓所在因置保州

文獻

通考輿地考云保州本唐莫州清苑縣其地漢為樂鄉漢高祖封樂

毅後樂巨叔於此宋初置保塞軍太平興國間太宗建為州屬河北道

政和間徽宗名清苑郡

大觀二年八月置保州敦宗院見本紀

靖康後欽宗

陷於金隸中都大興

府路是時清苑縣改名保塞縣元史地理志云保定路本清苑縣唐

隸鄭州宋升保州金改順天軍元太宗十一年升順天路置總管府

至元十二年改保定路設錄事司縣入清苑附郭時則保塞仍名清

苑矣明史地理志洪武元年九月為府

改路為府

清苑倚附郭是則古之

清苑地小今之清苑地大後齊以後樊輿雖亦在清苑之中

後齊通志引地理志

俗謂城北新城縣東二十里有樊輿亭故縣也

而唐宋俱以清苑為漢樂鄉即用古地名亦當以樂

鄉為有據明志未之詳考也

廣平縣有二

燕趙各有廣平縣名。後來脩志乘者混而不分。按漢之廣平國十六

縣。晉之廣平郡十五縣。皆治廣平。此卽今之廣平縣也。後漢建武中省廣平縣入鉅鹿縣

初二年改治曲梁城。魏書地志。後魏廣平郡六縣治平恩。隋之武安郡八縣。唐宋之洺州六縣。元之廣平

路五縣。明之廣平府九縣。皆治永年。此乃今之府治也。後周置洺州。隋大業三年改爲武安

唐武安縣。後魏置洛。永年者。漢晉時曲梁廣平兩縣之地。隋諱廣字。改今名。

其先北齊廢曲梁廣平兩縣。統爲廣平縣。時則有廣平。而以今永年

之地附之。隋改廣平爲永年。併曲梁入之。屬武安郡。時則有永年。而

以今廣平之地附之。至金大定七年。洺州廣平郡復置廣平縣。于是

有永年。又有廣平。此乃屬於廣平郡者。趙也。唐明皇天寶元年。幽州

析薊縣置廣平三載省。元年稱年。二年稱載。肅宗至德後復置。廣平廢縣。在此。今宛平縣西。此乃屬

於范陽郡者。燕也。唐惟幽州有廣平。而唐詩人如司空曙劉真高正

臣俱稱廣平人。似皆當爲燕人。而非趙人矣。且司空曙咏雲陽寺石

竹花詩云。一自幽山別。重逢此寺中。豈非指其幽州故山哉。

成安

成安爲春秋乾侯地。乾音干。見顏師古漢書注。許氏說文別立鄆字。亦猶釜口之加水爲淦。斥章之加水爲漳耳。至如陳餘稱成安君。見史記項羽本紀正義引地理志云。成安縣在潁川郡屬豫州。漢書項羽傳內於陳餘。刪去成安君三字。今之成安蓋自北齊始置。乃縣有陳餘祠廟。而明嘉靖間給事中鄆陵陳棐因謫丞長垣。檄脩郡志。於每縣各作原縣一篇。謂六國趙時縣有成安名。趙王歇因以封陳餘。爲成安君。非先封而邑後名也。不知何所據而云然。又按漢書陳餘傳亦有成安

青海

元史本紀憲宗四年七月。忽必烈世祖還自大理。會諸王於潁。潁老兒之西。祭天於日月山。按潁。潁老兒。卽今青海也。今如曰呼。呼努爾。青海屬吐谷渾。杜詩安西都護胡青瑤。舊唐書西戎傳吐谷渾有青

海周廻八百里中有小山至冬放牝馬於其上言得龍種嘗得波斯馬放入海因生驄駒能日行千里故代稱青海驄焉馬一驄遠近詩云出西軍銀海堡西二百里即青海遠望水高於地周圍六七百里中有小山一二峒麻居之無丹河通嚴冬海凍間有人往來沿海居者十八家

碣樓

西戎碣房壘石而成考後漢書西南夷傳曰衆皆依山居止壘石爲室高者至十餘丈爲卬籠韋昭注曰今彼土夷人呼爲雕也卬籠之名雕應卽起自三國時後人更製碣字晉書唐書未見此字舊唐書南國及南蠻人皆稱爲碣房登陸卽上謂之千層而於碣無所聞焉宋史所載雅州蠻寇邊屢焚碣門砦又彌羌寇慈州破碣子砦元史百官志有碣門魚通萬戶府兵志有碣門探馬赤軍此碣字見於史者近人說部書如陸次雲崗谿織志云松潘古丹驍地積雪凝寒盛夏不解人居累石爲室高者至十餘丈名曰碣房王阮亭隴蜀餘聞曰松潘建昌諸蠻所居皆累石爲之高者至八九層人居其上牛豕居其下名曰碣樓九州記云卬州沈黎縣卽

武侯征羌之路。每十里作一石樓。令鼓聲相應。今夷人效之。所居皆以石爲樓。陸王之書。俱未引及。卽籠讀史者。於外國傳多忽畧。南蠻之地。動引武侯爲說。亦未盡然也。

伊犁

準夷建牙在伊犁河北。此卽舊唐書所載伊列河也。自出嘉峪關。三千餘里爲輪臺。又三千餘里。始至伊犁。伊犁者。譯言國都也。舊唐書西突厥傳。乙毘咄陸可汗旣立。與陞利失中分。自伊列河已西屬咄陸。已東屬陞利失。又乙毘沙鉢羅葉護可汗旣立。建庭於唯合水北。謂之南庭。東以伊列河爲界。塞外行國。無城郭。逐水草。居處無定。每以人名爲地名。隨時收換。難可考證。惟山水猶存彷彿耳。列又作麗。賀魯及悶噉。輕騎奔竄。渡伊西麗河。新唐書賀魯傳。伊麗水。數度伊麗水。彌射進軍至伊麗水。皆指此河。新唐書地理志云。伊麗河。一名帝帝河。至碎葉界。其地屬北庭都護府。他書又有書麗作利者。突厥始盛於西魏。廢帝元年。梁

文帝大土門自號伊利可汗。後周書曰：猶古之單于也。隋時攝圖遣使

致書曰：從天生大突厥天下賢聖天子伊利俱羅設莫何始波羅

可汗。殆俱以國都取義。伊又作乙。隋高祖報攝圖書稱乙利俱羅

設莫何沙鉢畧可汗。此書乙利北史仍作伊利卽一往來所書各異。又西面突厥有

泥利可汗。泥利似卽伊犁之謂。是則今之伊犁在隋唐乃西突厥之

庭在漢乃烏孫地也。始歸附時友朋競指爲古焉耆康居之地。竊考

西突厥自焉耆西北七日行至其南庭而肆葉護避莫賀咄之難亡

在康居泥熟避肆葉護遂適焉耆焉耆有碎葉城自伊麗河西行千

里乃至之則伊犁非此二國矣。但晉書西域傳焉耆國其地南至尉

犁北與烏孫接方四百里四面有大山道險阻百人守之千人不過

楊宣部將張植軍次其國進據尉犁所云尉犁似卽伊犁而大山險

阻又疑卽烏魯木齊也。又康居國在大宛西北與粟弋伊列鄰接史

不言伊列何地或卽伊犁蓋行國逐水草而無定其王庭難以鑒指

卽以道里計亦僅得大畧如明史云別失八里西域大國也距嘉峪關三千七百里或曰焉耆或曰龜茲今之伊犁距關幾七千里而明史之焉耆距關不及四千里究其地之遠近是非未可遽定也

哈薩克

哈薩克有東西部皆回部也在準噶爾之北與布魯特連界相傳古

大宛地

宛音於元反韻不聲見漢書廣恩古法明史穆豪駢詩云將軍絕勝標地勇良馬何論大宛多明詩絲綢之非也

按大宛在後魏曰洛

那魏書西域傳曰洛那古大宛國也在隋曰蘇對沙那

見隋書西域傳

曰隋時蘇對沙那國卽漢大宛也明永樂七年西域哈烈國人貢其

地東至肅州一萬一千里續通考曰卽漢之大宛也

天順一統志曰哈烈古無考明史曰哈烈一

名黑龍山嘉峪關西二千餘里西域大國也

哈烈哈薩克豈以音訛而誤歟是時吏部員外陳誠

曾至其地又考元史憲宗三年命諸王旭烈兀及兀良哈台等征西

域哈里發八哈塔等國八年旭烈兀討回回哈里發平之禽其王或

卽此地而明史稱西域通名中朝者有哈三哈烈兒等二十九部哈

三哈薩音亦相近也。

回部

回部在後魏號鐵勒。唐初號特勒。後稱回紇。又作廻紇。亦作廻鶻。韋紇烏護烏紇畏吾兒畏兀兒載在遼宋史者曰回回。自唐有居內地者。歷今千年。猶不改其國之正朔。服色書文風俗。明史載回回歷法不用閏月。以三百六十五日爲一歲。歲十二官。官有閏日。凡百一十八年。而官閏三十一日。以三百五十四日爲一周。周十二月。月有閏日。凡三十年。月閏十一日。歷千九百四十一年。官月日辰再會。故一月有三十日。戊酉年三十二日。未三十日。辰卯二十九日。寅若遇閏年。於亥官加一日。凡三百六十六日。今回人賀正。自用其國之法。是正朔異也。回回歷天周度三百六十六日。每度六十分。與今西法同。服色尙白。李衛公上尊號玉冊文云。種類盤互。縞衣如茶。杜陵留花門詩云。連雲屯左輔。百里見積雪。雪與茶言衣白也。至今猶然是服色異也。其書橫行。元史曰。畏吾兒字橫。

書之明史曰。默德那。回回祖國也。國中有經三十本。凡三千六百餘段。其書旁行。兼篆草楷三體。西洋諸國皆用之。按漢書西域傳。安息國書。革旁行爲書記。服虔曰。橫行爲書記也。顏師古曰。今西方胡國及南方林邑之徒。書皆橫行。不直下也。革謂皮之不柔者。特其時尙未稱回紇耳。是書文異也。通考引杜環經行記云。大食國有禮堂。容數萬人。每七日。王出禮拜。登高爲衆說法。又引外國圖曰。大食法。不食猪狗驢馬等肉。不拜國王父母之尊。不信鬼神。祀天而已。其俗每七日一假。不買賣。不出納。惟飲酒放浪終日。大食正回地也。今回人有禮拜寺。有把齋。是風俗異也。元史本紀及選舉志。世祖至元二十六年。置回回國子學。仁宗延祐元年。復置回回國子監。設監官。雖服習儒書。而不能革其陋俗。又元百官志。世祖在潛邸時。徵回回爲星學者。札馬刺丁等。至元八年。置司天臺。仁宗皇慶元年。改回回司天監。夫歷以元郭守敬爲至精。何至明末而回法復行。俾得載之明史。

乎。回之種類不一。宋史龜茲國、高昌國俱稱西州回鶻。近聞其國最大者爲纏頭回子。而纏頭亦有二。明史西域傳：天方古筠冲地，一名天堂。又曰默伽。自正統元年始貢。迄萬歷中，率五六年一貢。天方於西域爲大國，四時常似夏，人皆頤頤。男子削髮以布纏之，婦女則編髮蓋頭，不露其面。相傳回回設教之祖曰馬哈麻者，首於此地行教，死卽葬焉。後人遵其教，國無苛擾，亦無刑罰。又有默德那，地近天方，其初國王謨罕慕德生而神靈，西域諸國尊爲別詣，扶爾猶言天使也。其教以事天爲主，而無像設。每日西向虔拜，每歲齋戒一月，沐浴更衣，居必易常處。隋開皇中，其國撒哈八撒阿的幹葛思始傳其教入中國。迄元世俗重殺，不食豬肉，常以白布蒙頭。今所稱纏頭回子者，其卽此二國耶？錢塘有馮一鵬止園者，作憶舊遊詩話云：纏頭回子在俄羅斯準噶爾兩國之間。

俄羅斯元明史所不載，龍沙紀畧云：地爲元太祖之弟所感，卽以封之。疑察罕汗康黑內由彼國來，互文稱。

察罕汗一千七百一十六年，文二函一彼國字，一蒙古字。

銅磚壘郭，玻璃砌城郭，外行四十八日始一週。

歷古今無易代有鄰國來犯者其國主使人謂之曰爾國尚有乞丐
偷兒吾不與較也其交易至西寧多壩口而止止圍乃康熙間人平
生遊幕於口外詩話百段絕句百首所紀邊塞風土特詳又直隸制
府方恪敏公松漠草從軍雜紀詩注云哈密與畏吾兒土魯番皆爲
回部俗以白氍纒頭爲貴酋禮服故通稱纒頭自哈密西至土魯番
城八百里又西約三千里皆其境土庫察城阿克蘇城凡十數處一
城多至萬餘家

河源

錢塘馮止園名一憶舊遊詩話所載皆東北口外之山川風土其紀
通天河一條云星宿海之下流爲通天河再下則金沙江矣渡河以
牛皮吹氣名曰崑崙入水不沈牽連如筏乘風掛帆而渡康熙庚子
大兵進藏水忽乾淺見底上流橫鎖水積如山三軍乘馬前進軍過
水仍洶湧按漢張騫使西域唐薛元鼎使吐蕃皆訪尋河源而皆非

眞寶。逮元至元十七年，命都實往求河源。凡四閱月而得其詳。由是
潘昂霄、朱思本皆有紀錄。元史採之以附地理志。河源在土蕃朶甘
思西部，有泉百餘泓，可七八十里，名火敦腦兒。譯言星宿也。其下流
名赤賓河。凡行七八日，其流浸大，始名黃河。而水猶清。又一二日，岐
爲八九股，名也。孫幹論譯言九渡。又四五日，水渾濁。土人抱革囊騎
過之，聚落糾木幹象舟，傳鬻革以濟，僅容兩人。自八九股水至崑崙
之南，又由南而北，凡四千五百餘里，始入中國。其詳載於元史。牛皮
渡水，蓋自古有然矣。元臨海僧全室勛字季潭，有望河源詩，其序曰：
河源出自抹必力赤巴。山西人呼黃河爲抹處。犛牛河爲必力處。赤
巴者，分界也。其山西南所出之水，則流入犛牛河。東北之水，是爲河
源。其源東抵崑崙，可七八百里。今涉處，尙三百餘里。下與崑崙之水
合流。中國相傳以爲源自崑崙，非也。崑崙多麻痺刺，其山最高，大因
時常雪，有神居之。按此，則水自分界山。其東流者爲黃河，其西流者

爲鼈牛河亦聞所未聞也。

漢玉

舜典五玉周官六玉玉之貴重明著於經而世稱古玉必曰漢玉豈唐虞三代之玉無一流傳至今者乎蓋玉之產有二中土與外域各殊爾雅曰東方之美者有醫無閭之珣玕琪焉西方之美者有霍山之多珠玉焉西北之美者有崑崙璠璣焉醫無閭霍山中土也中土玉生於山剖璞而出以石爲璞也孟子有璞玉彫琢之喻顏闕有太璞弗完之言及卞和懷璞之事是也崑崙璠璣外域也外域玉生於水沿流而取水卽其璞也後世子闕之玉史亦有稱璞者蓋古以韞玉之石爲璞後世以未成器之玉爲璞耳漢書西域傳于闐之西水皆西流注西海其東水東流注鹽澤于闐至王莽時絕不通自建武至於延光三絕三通晉宋齊書俱不載至梁天監時復通中國梁書云有水出玉名曰玉河南史梁大同七年獻外國刻玉佛觀

書及北史俱云城東三十里有首拔河中出玉石山多美玉

後周書境東二十里

有大水北流號樹拔水即黃河也此似另一水不云出玉

隋書及舊唐書並云多美玉新唐書于闐有玉

河國人視月光盛處必得美玉五代史四夷傳于闐其南千三百里曰玉河河源所出至于闐分爲三東曰白玉河西曰綠玉河又西曰烏玉河三河皆有玉而色異每歲秋水涸國王撈玉於河然後國人得撈玉宋史外國傳畧同元史食貨志有淘玉之戶三百玉在匪力沙之地謂之玉課匪力沙不知何處也明史西域傳亦載三河惟烏玉河作黑玉河又云其俗謂黑玉爲玉夫古之黃琮蒼璧備具五色古尙純色故以無瑕爲貴若漢玉之辨乃在斑沁此有斑沁者出口西域至漢始通中國是以謂之漢玉明非中土所產非以其年久也蓋此斑沁不因漸染逐漸自生近自回部入貢其地卽古于闐疏勒大秦之地從征之士多有攜玉以歸者其玉但近人得人氣則斑沁之小者漸大無者忽有亦不須積年累紀乃知前人血沁尸沁之說皆妄語耳王

逸楚詞注引相玉書其書不傳桓寬鹽鐵論有璽憂璧飾之語璽音珍其文西玉豈以西方之玉爲貴耶蓋嘗推求其故坎艮皆得天之氣艮山止而不動故其玉色純一終古不變坎爲隱伏爲血卦其性流動水月內光因陽以顯故其玉得人氣而斑沁出焉理或然也

鄂罕

又作葛漢

鄂罕亦回部也自逆酋大和卓木波羅泥都小和卓木霍集占

和卓木乃官名

俱爲拔達克山回人素爾坦沙殺於柴扎布于是回部葉爾奇木哈

叶哈爾別部博羅爾及拔達克山

山一作善

皆來內附鄂罕乘馬東行三

月乃至拔達克山其國主曰愛哈木特沙遣其和卓密爾漢齎表貢

馬按後漢書西域傳和帝永元三年班超定西域六年復擊破焉耆

於是五十餘國悉納質內屬其條支安息諸國至於海濱四萬里外

皆重譯貢獻九年班超遣掾甘英窮臨西海而還唐宋史所紀大食

國其境蓋於西海而大食之法不食猪狗驢馬等肉國有禮堂每七

日王出禮拜與今回俗正同鄂罕尙未至西海應猶在古大食所屬而拔達克山豈卽石國之勃達嶺耶夫唐之拂菻與宋之拂菻其名則同其地則異荒遠之區臆度豈能有當聊存此說俟博學者更加考正焉

安南

交趾見於王制自漢武帝平南越分其地爲九郡置交趾刺史後漢置交州晉爲十七郡隋爲十八郡唐爲七十州屬嶺南道高宗時改安南都護府開元元年改置爲安南都護府後仍爲安南都護府改爲安南都護府後仍爲安南都護府於五管特置安南都護府在邕

管之西交州治交趾乃漢羶樓地羶樓二字並音來口反此安南之名所自始與

安西安北等耳范石湖桂海虞衡志謂山海經言交趾人交脰郭注

云脚脰曲戾相交而今安南人有骸與華無異辨非古之交趾竊謂

古今不同如荆蠻文身今亦未聞也後五代梁末帝貞明年中爲土

豪曲承美所竊據宋初封爲交趾郡王三傳而爲黎桓所篡虞衡志作黎桓

風俗黎氏亦三傳爲李公蘊所篡八傳至宋嘉定五年其國王李昊最悉黎氏以女昭聖主國事遂爲其壻陳日照所有日照子光昺光昺卒無子以女昭聖主國事又有世子日養世子日曠世子日煒元史所載祖孫父子之名皆同日字而下一字皆從火竹垞跋明李文鳳廷儀越嶠書稱其序言其國主有二名正名以祀天地神祇僞名以通中國示邦人以不臣文鳳因具書之蓋其字從日從火者皆僞名也元世祖中統二年陳光昺遣使上書乞三年一貢從之封光昺安南國王蓋自南宋孝宗以前先封交趾郡王後封南平王而安南但爲都護總管之名不以爲國名自孝宗淳熙二年特賜安南國名封南平王李天祚爲安南國王而安南國由此起中統十四年光昺卒十六年詔諭光昺子日煒來朝若果不能自覲則積金以代其身兩珠以代其目副以賢士方技子女工匠各二以代其土民不然脩闕城池以待而日煒竟違命二十二年大兵伐之入國見其文字日煒僭

稱大越國主憲天體道大明光孝皇帝陳威晃行紹寶年號此亦自
宋時李公蘊子德政德政子日尊已僭稱法天應運崇仁至道慶成
龍祥英武睿文尊德聖神皇帝尊公蘊爲太祖神武皇帝國號大越
改元寶象又改神武而中國不知也元兵三入其國日烜與子皆棄
城遁而官兵死傷實多二十七年日烜卒再諭日燾入朝亦不至然
歷仁宗英宗貢獻不絕終元之世以至明洪武元年封陳日燾爲安
南國王使至而日燾已卒姪日燧嗣立四年日燧卒其叔端攝政端
卒弟煒代立二十二年煒爲國相黎季犛所弑另立日焜建文元年
季犛又弑之而自立改姓名爲胡一元僭號大虞建元元聖尋傳其
子查永樂元年封查爲安南國王而故陪臣裴伯耆日烜孫天平先
後告變帝遣朱能沐晟等南征獲季犛安南盡平改安南爲交趾設
十五府宣德間復叛正統二年封陳麟爲安南國王麟子濬濬弟灝
灝子暉暉子濬濬弟誼自殺乃立暉爲陳暉所殺國人立灝子諱

正德十五年莫登庸篡立登庸孫福海福海子宏灝宏灝子茂洽爲黎氏所殺萬歷中安南復爲黎維潭所有維潭所進代身金人作俯伏狀不似黎利莫登庸所進作囚首面縛狀也黎莫二姓迄明之世割占莫能歸一焉

緬

元史西南夷始立緬傳云不知何種其地有接大理及去成都不得者又不知其方幾里也方輿紀要則云在漢爲撣國在唐爲驃國宋始謂之緬引後漢書孝和帝紀永元九年撣國王雍繇調重譯朝貢永寧元年復朝貢後漢書本紀永元九年春正月永昌徼外蠻夷及諸國重譯奉貢應劭曰撣國在永昌徼外唐書曰驃古朱波也在永昌南二千里貞元十八年驃國王雍羌遣弟悉利移來朝是乃較其道里約畧近似而雍羌與雍繇調皆雍姓明萬歷三十一年亦有阿瓦雍罕入貢遂併而爲一但元史稱入緬有三道驃甸其一則驃甸尙在緬甸之南

未可卽謂驃爲緬。明史因方輿紀要有此文。而於緬字下直加甸字。云緬甸。古朱波地。宋寧宗時。緬甸波斯等國進白象。緬甸通中國。自此始也。按方輿紀要云。崇寧四年。緬波斯崑崙俱入貢。明年。蒲甘入貢。紹興中。緬復來貢。考宋史徽宗本紀。惟崇寧五年。蒲甘國入貢。其前一年。占城入貢。非緬也。高宗紹興三十二年中。惟安南國入貢者四。其二十四年。羅殿國貢名馬。二十五年。真臘羅斛國貢馴象。二十六年。二月。十二月。三佛齊國入貢者。再紀要所稱緬者。豈羅甸之誤耶。史旣訛。崇寧四年爲宋寧宗。又稱以緬甸。夫緬有五甸。此緬甸之名所由起。元史自官後志。順帝至正十五年。以莽三入貢方物。置平緬宣撫司。元但稱緬。而謂宋已稱緬甸乎。明洪武間。先有緬中。永樂初。始有緬甸。置緬中緬甸兩宣慰司。宣德初。併緬中於緬甸。此後乃獨稱緬甸。何得宋有此稱。且朱波之名。何昉乎。新唐書曰。驃。古朱波也。自謂突羅朱闍婆。考舊唐書但云。華言謂之驃。自謂突羅成闍婆。

並無朱波之說且字作成不作朱新書雖增此文不知何所根據也。明史因有驃甸不更以緬爲驃而篇首又云古朱波地是去取互異矣。竊謂漢揮唐驃當不出三宣六慰之境近百餘年皆爲緬甸所併。然緬城自有其地倘遂以揮驃緬爲一國之沿革恐未爲確當也。明置宣撫安撫宣慰長官等司三宣六慰爲最大三宣撫司者南甸下隴隴川也六宣慰司者緬甸及車里木邦八百媳婦孟養老撾也。又東爲八百又東爲車里又東爲老撾其三宣則隴川在緬西北又西爲干崖又西北爲南甸與騰越州相近矣緬於元時有五城江頭城最在北至騰越州十五日程太公城江頭之南十五日程元置太公城公堅洪武十五年爲府後廢馬來城太公之南八日程安正國城又南五日程蒲甘又南五日程緬王城安正西南五日程元置蒲甘宣慰司以次而南元之進征嘗至江頭太公二城惟至元二十四年平緬嘗一至蒲甘餘二城不見於史明史地理亦載五城并及阿瓦河今之緬甸不聞有五城

而其建國之處曰阿瓦城。方輿紀要別標阿瓦城在五城之外。亦曰三江城。金沙江別有阿昔爾采

瓦河為三其城西北東三面皆水所環也。但一城耳。元時緬酋曰細安曰的立普哇拿阿連提

牙曰信合八的曰撒邦巴曰窟麻刺哥撒八曰脫利合曰吾者那曰

荅里也伯不知何姓。明則曰卜刺浪曰那羅塔曰莽得刺曰馬哈省

以速刺曰莽紀歲曰瑞體曰應裏自莽得刺後知為莽姓馬亦莽也

今作孟作猛與莽一也而邊人或以緬莽為二種謬矣。緬自元至明

其始倚勢於八百媳婦其繼殺滅於孟養木邦不過一隅地耳。至莽

瑞體而披猖乃甚。春明夢餘錄載巡按閔洪學報緬攻車里之疏曰

緬以嘉靖間破老撾之地掌撾失其東偏以嘉靖末年滅八百以萬

歷八年滅孟養以三十三年滅木邦昔分為六者今合為一六慰既

盡勢將及於三宣。此天啟六年之疏。明史作七年於滅木邦亦作三十四年但遲一年。時車里力不

支遁至思毛地。緬追執之以去。車里遂亡。考明史本紀萬歷十九年

緬甸寇永昌騰越三十年。緬賊陷蠻莫宣撫思正奔騰越。賊追至有

司殺正以謝賊始解三十四年。緬甸陷木邦。史於閔疏亦節錄入土
司車里傳。而於緬甸傳中乃云三十一。年阿瓦雍罕。木邦罕拔子罕
禧俱入貢。緬勢頓衰。以橫爲衰。恐是史稿未刪之句也。元世祖至元二十
三年以雪雪的斤
爲緬中行省左丞相
緬中之名蓋起於元

韓門綴學卷第四